



道聽錄卷之三

楚桃源沅南李春熙輯男讓重梓

天下邑名者僻者西有盤屋周山曲曰盤水水曰屋山

水皆曲故名北有邯鄲咸邯山名鄲盡也邯山所盡

也蜀有犍犒為乾邑有山似牛也鳳陽虹損聞出

太祖所更徽州之黟音山山西沁水吾楚之鄗林音如此

類者甚多若朝鮮先招國本因日出名今誤讀如字者有之

姓氏希僻者令狐之令音林與律令之令同鮮于之鮮音

羨蜀人有單姓鮮者音同區之為歐必有所避而去

其欠也苟之為構醜其音也度之從尺音義皆與度

同此乃漢姓若夷姓則不勝紀錄矣

吾郡龍岩胡公鵞題四老菴云誰將一幅剡溪紙塗抹
曰老忘年齒一老仰面看天文一老俯首察地理一老垂
簾調 離一老屈指數甲子我叩四老意何為相顧無
言咲而已嗚呼四老我已知兩儀二才瞬息裡

劉鈞河侃京山人官蜀大叅過萬縣吟云石徑迢迢百里餘垂
楊日下送征車綠陰滿地橐駝去誰解重翻種樹書
行下漸轉入林霏雞犬人家滿翠微雪不寒春事早
竹籬新墮犗龍飛到處青山瀑布痕常時風雨嗽雲根
寒流細瀉枯腸潤輸爾村翁樂灌園細柳業業夾路蹊
深山百轉日輪西村烟不斷水声活吞豆花開欲滿蹊
又秦嶺謁懷昌黎祠五言云忠誠天地識夫千古來
聞恨尔藍關雪不如衡岳雲昔人謂行不高里路者
不可讀杜詩余謂不入蜀者不知此公教絕之妙

陽明先生十一歲隨其祖過金山賦詩云金山一點大
如拳打破維揚水裏天醉倚妙高臺上望玉簫吹徹
洞龍眠又賦蔽月山房云山近月遠覺月小便道此
山大于月若人有眼大如天還見山小月更濶奇哉
真驚人語也

王充論衡殊尠遠識奇論而淺近迂談且其詞致繁復
真謂刺下不休者令人披閱寡所啓迪蔡中郎愛而

秘之豈當時挾書之律如^初弛如此作者不可多觀哉
又其文全勿類漢人語豈好事為之非出王口而入
蔡目者耶

都下一友謂予云成化間陳白沙莊定山章風山俱應
南宮試考官入簾相囑云場屋中有此三人閱筆不
可苟違填榜一半章莊俱高列惟無陳亟令索卷則
陳已在下第其破老者安之三句云各有其等聖
人等其等同考者批其旁云若要中進士還須等一
等見者哄堂陳遂飄然歸不復應試矣

余常扶其仙降李太白題咏甚富一夕方山李予醉甚

惟以詩質仙即次來韻招之云枝頭梅子半傳黃看
劍論詩引興長謫仙翹首蓬萊上却笑君房醉裡忙
方山遽起限會登能三韻求咏其動如飛畧不停思
云為報西樓掃洒曾謫仙還向醉中益百篇斗酒聊
乘興借問方山能不能又次韻云驛路怯于箭深山
雨似麻橋危回瘦馬村晚集寒鴉借榻獻僧戶提壺
問酒家篝燈聊獨酌半醉摘梨花此類多不能悉理
外之理雖知者不能辨也

陽明先生赴謫龍陽驛過常武醫士杜仁甫禱其復春
卷謁之首見道林蔣公一詩云安排必定非由我燮理

從來搃屬人堪歎世人渾不解九還丹裡苦偷生
先生驚曰此人有志十分端確者及見其人謂冀聞齋
翁曰如蔣公便可作顏子矣此公鑒識非人可企

張甬川邦奇督學涖常武夜坐問諸生曰月黑醫佛
經云娑羅樹儒書云大地山河之影畢竟孰是聞齋冀
公元亨對曰以生意二者俱非特太陰之渣滓未化耳
張大歎服道翁將屬續門生有問二程濂溪優劣者翁曰
此非吾輩所敢輕議但觀濂溪云公于己者公于人
未有不公于己而能公于人者便有強勉意思至明
道則云廓然而大公物來而順應則自然矣由此言

觀之所見淺深可知也何必論其優劣哉

又有問曾子啓手啓足如何見得孝翁曰曾子之意豈
為手足哉若曰手足如此心志可知矣當時孔門弟
子都仕季氏如子羔仲由不免殞身惟曾子不仕諸
侯亦不虧體保身之孝二言津有味哉道林公蔣信

呂涇翁袖在南太常署講五經義首說卷耳章嗟我懷
人寔彼周行謂文王方役周行上也下三章則云非但
行役且馬病僕痛矣則我當何如乎惟酌酒自遣耳
說燕何以燕起興翁曰燕春社來生子秋即去雖
未必詩人本旨而意新啓人談經者顧不當如是耶

于少保謙任河南方伯入覲詩云手帕磨菇與線香不
為民福反為殃清風兩袖朝天去免使旁人說短長
昔一士人及第友人屢訪之闕者以赴飲辭友人留詩
云君王寵重龍頭選慈母恩深雀髮垂君寵母恩俱
未報酒如為病可重追其士折節遂成名儒

金會元達未第時宿妓館贈一聯云羯鼓詩成半吐猶
含前夜雨探花人到忙開莫負上林春公至次年探
花及第殆對識哉

李西涯麓堂詩話中云渠郊祀宿齋泰壇夜憶尔雅九
鍾龍名令遍詢諸朝士皆不盡識惟一正即福建人

號博洽亦止舉六七因數記語之難余曾過友人唐竹
墟齋中時有二童子在側方習對句唐因命取總龜對
類示余遂得聞其詳焉一日蒲牢好鳴即今鐘紐之物
二曰徑行好訟即今獄門上所画三曰雲下好負即今
碑座下物四曰睚眦好殺即今刀上吞口五曰狡狴好
坐即今佛座下獅子六曰負巋好文俗曰鰲魚即今碑
旁物七曰啾吻好風即今獸頭八曰嘲風好險即今殿
角上走馬九曰因牛好音樂即今胡琴上刻獸
宸濠鑷白詩云黑髮叢中白數莖幾番鑷後又重生而
今白也由他白那得閑工與老爭

昔有士人曾夢中聞人語云青草池聯六、灣後登第
使朝鮮其主請云聞上國黃河水遠三、曲何以對
之士人偶思夢語遠云貴邦青草池聯六、灣北為
的對矣其主大服宋時八王未就封外夷人入貢席
間出聯云琴瑟琵琶八大王一般頭臉館使對云魑
魅魍魎四小鬼各有肚腸

余鄉慎齋陳公言同辰友宋明山北山、中見一婦頗
麗坐炕榻中以袖自掩二公不得見全面已而乘隙
窺之始知為缺唇也宋剪書語訊之云多則疑多見
殆慎齋續之云君子於其所不知蓋句一時相傳靡

不嘉其善謔

先生二字出論語曲禮孟子皆並稱至漢則叔孫先而
無生宋人亦云姓名壓等呼先輩是也魯兩生賈生
伏生則稱生而無先東方朔自稱東、先生相如稱
烏有先生皆極尊之名矣子則三代而後惟周程張
朱邵而其餘則惟以氏今人以先生為常而呼之為
子則童稱且憤然矣吁江河之變亦至是哉
公者無為、德下王位一等者後人稱其祖父尊長為
公唐人云不痴不癡不作阿家公南宋嚴延之恥人
呼為公曰非君家公又非田舍公何得稱公翁則婦

稱夫父為翁姑傳記中猶少載今人相謂行輩皆稱
翁近都下又易為老翁予鄉劉客泉常面叱一友云
妻稱夫為老公老翁者老公之別名今見人皆稱老
公奔世皆婦人矣言雖戲浪良切時病

昔一夫婦相毆鄰僧入勸之夫遂重杖僧訃訴縣訃月
署其狀云鎮江毳子并州刀楊州剪子淮安縲命僧
出僧不解叩一士人乃語之云打得訃打得好聞者
捧腹不已

昔人夢得句云起來無事立閑塔香霧襲人寒氣重後
館試春晚以此作結主試者批云結若有神助知言

哉知言哉

說海中人虎傳云隴西李微皇族子登進士補尉江南
後以狂疾變為虎道遇故人李儼時為御史道其生

平贈儼詩云偶因狂疾成殊類災患相仍不可逃今
日承牙誰敢敵當時聲迹共相高我為異物逢蒿下
君已乘輅氣勢豪此夕溪山對明月不成長嘯但成嘍

天寶年事而詩語全不類唐山豈宋元間好事者為之乎
江右一士人新發解飲燕中方伯都聞久奉觴勸之時
一憲長舉一聯戲云手執兩盃文武酒飲文乎飲武
乎其人應聲曰胸藏萬卷聖賢書希聖也希賢也代

巡舉孟邀飲云勸君更盡一盃酒又應聲與爾同消
萬古愁噫若人者殆解縉紳之流乎惜未傳其名也
離騷古賦之祖長楊子虛古賦之宗至唐體稍變猶為
近古宋事俳偶風斯下矣赤壁取其新聲秋聲嘉其
奇特雖非古體識者取焉猶三百篇選詩之變為近
律也若黠鼠蒼蠅皆童稚腐臭語而矇者列之古文
會編中直足傳笑耳昔稱登高作賦可為大夫如此
等賦惟堪驛閭倉泊職也華容孫仲可古賦序亦同
鄙識云

唐詩水牛浮鼻過沙鳥點頭行楊升菴鄙之至目同張

打油胡釘鉸張不知所出胡詩出自神授唐詩紀事

中所載數首皆楊集所無者英雄欺人亦是哉

常于北寺見一喚云五百年幸遇王者興千萬歲敬祝

聖人壽予亦集古句云君子大居敬而貴窮理學者

先器識而後文藝友人龍伯貞以為的對可傳云

予寓京師龍渠北惠二穎小蘭云中山大將貽此二戈

取令効力麾下吾軍既張當念魏無知也江陵張九

山與予索馬簡云馬久不騎多至蹄齧今日入部投

卷燭常為公副之便乞即付來予回之云昔阮氏

子有車人有欲借而不敢言者亟令焚之小馬得與

朋友共白漱無憾矣張每口誦于人

近得牛一瓢五言絕句云不到空亭久苔痕映綠蘿柴

門宜早閉風雨夜來多世爭久忘机百念如冰炭記

得舊稍船風雨芙蓉岬鳥道不堪行年深長荆棘桃

花開未開漁即候消息現此數詩風致可想見矣

曾現一書忘其名辨念者甚悉云念者意念攸始故借

以名朔后十日日之始也今用之末句誤矣予按韻

書廿音疾二十字今下方添一直亦讀如念念廿二字混

用殆職茲矣又按卅音撤三十字並后于下增一畫作卅三

十年為一世也卅音疾四十字並曾見仙詩云白雀飛來

卅雙此數字固易辨而念廿殊可異也

古篆籀體畫繁難至秦李斯作小篆陳邈作隸書日就

簡便說者以為舞文之弊昉于此至漢則又易為真

草行書後世又易為省文或借同音或止書邊旁甚

者萬之作万兩之作刃錢之作外不知何始非特今

之各省同文常見東坡墨刻萬也作万則宋前已然

矣國初顧尚書佐奏防詐偽凡數目字皆借畫繁難

增損者餘皆經籍中所有惟采捌二字止載之海編

陸季明長洲人題漂母祠云一斛王孫尚有祠至今淮

水盡含思可憐三歲君侯日不似千金報母時明皇

對奕局云笑對真妃倚玉臺拈棋欲下意還猜肯先
一着移神算應料漁陽鼙鼓來二作皆有雋永之味
稱號之昉自春秋戰國時有之如東郭先生東里子產
北門子之類至唐則杜少陵李青蓮雖有別號當時
尤未稱謂至宋為盛而尚止于士大夫間上自王侯
下逮輿妓未有濫于今日者每一思之不得禁除之
術兩京諸省郡邑通市中技藝醫卜老嫗揭紛極
可醜厭禁從此始亦去其太甚與先簿書正祭器意
乎近見宗子相六七子相寄贈惟以字或名或生或
官蓋亦假古作以復古道爾

對有用同音字者柳上鶯啼柳下漁翁停艇聽洞前雀
舞洞中仙子棄碁騎妙矣又獨木搭橋恰似一條扛
港損郭兩山督學吾省一對云黃州常得黃梅雨廣
濟羅田自無能對者聞陝省何大華許鞞二公皆官
搃制歸同遊章臺訪妓宋公過一書生許公戲云汝
何得至此書生云某有一對二公能酬之即當設醴
脯不爾當大醉我許即促之以為易也生遂云微服
而過宋何許子之不憚煩二公相顧大笑云當共醉
汝矣當思獨木云云尤可對書生之聯限于成句兩
山之對拘于地名雖趙巧對于九原恐不能也

今人謂作詩文無根據者云杜撰歷攷不知所出及訪
名流亦罕識韻府羣玉所載度撰者非此事惟朱晦
翁與陸象山論太極書有之無注釋志此以俟博雅
有何執着眼中誰跨揚州霍東家蝴蝶西家飛昨日花
開今日落有何執着龍可屠兮虎可縛莫論誰強與
誰弱去時見人歌舞地歸來黃昏喧燕雀有何執着
君若肯飲不辭杯我當典衣沽酒與君酌人生得意
當為樂有何執着江右人相傳云羅念菴間居所
作誦之可以窺先生胸次洒脫矣

蔡霞山好以俗語作破語云羊角粽狗頭粽東家送來

西家送破云以物之名乎物因人之惠乎人

唐人詩有出韻者王建梁州歌云三秋陌上
千霜飛羽獵平田淺草齊錦背蒼鷹初出按五花驄馬餵來肥
齊字不在微韻豈大家數不拘于小節耶

相傳先朝京中一公主將殯諸貴人舉祭將奠以空楮
投解縉云祭文也煩讀之紳啓塔輒朗誦云巫山一
段雲峨嵋千丈雪上苑一枝花瑤池半輪月嗚呼雲
散雪消花殘月缺

酒令雖小技然亦有佳者宋蘇黃諸公并今賢彙言中
所載甚多俱不贅惟憶一二嘉者簣齋陸公邛飲岳

陽樓各舉花名云月、紅不是月、紅佳人天癸通
 乃是月、紅一貴人云並頭蓮不是並頭蓮才子佳
 人共枕眠方是並頭蓮又云呂洞賓舞回、跳進跳
 出、官人抛刁子丟上丟下不及前矣

余友唐竹墟詩辛未春寓京邸有懷云人靜香消午夜
 時曲欄徙倚動鄉思不知今夜湘江月照到桃花第
 幾枝湘月有所指也

字謎如四字口四方十字在中央田由申甲字請君莫
 思量圖字兩人兩土兩箇口不論貧富家、有字墻西箇月字並
 排寫莫作朋字猜用月字去、二直問君猜是何字脚未寫

先丟一撇上也沒有點下也沒有點片目字加二點
 莫作貝字猜賀貝字欠二點莫作日字猜資書語謎
 外甥多似舅先舞之子不肖四把高几五箇人坐五又事物

謎大的少似小的小的多似大的大約不說小的小
 的專說大的集有脚無手有面無口也吃得飯也吃
 得酒食看時有節摩時無節兩頭冰冷中間滾熱日

不定不是正是正是上些上些下些下些重些重些
 輕些輕些痒搔痒鉄面諸葛亮獨坐中軍帳安排八陣圖
 只等張飛上蛛若不打他又難為我若要打他先打

了我畢竟要打他頭撞了打我夜珍珠白小姐包纏

竹葉郎穿衣去洗澡上听脫衣裳此數謎皆新可資一嘆

承天曾省吾號確菴撫蜀謁黃陵廟詩暮上黃牛萬壑

陰俗稱黃牛廟中流孤月映蕭林江涵元氣浮荆楚峽湧

秋濤壯古今疏鑿有靈分帝力舟航無險荷神歌大

川一濟紆西顧冥寂魚龍驚夜吟廟中如此詩不多見

聞有謝人惠川扇者忘其名云蜀國佳人貽寶篋楚狂

持玩思悠哉峨嵋新月半輪出巫峽清風萬里來灞

上麾軍原妙算漢宮題怨自多才何時得遂趨承願

持向昭陽殿裡開或云易舒誥長沙人曾六檢討

予邑西觀壁一方士書一詩云脚板受雲水蓮山即上

山有人問天子從不到長安

陳白沙詩云蓋粥朝下長白寺衣冠夜下五原山三年

枕席何曾設一紙家書也不看此咏胡安定事足見

前輩苦學又一聯云花能勸酒誰禁得天不能歌人

代之有天地萬物一體意思

浙山陰張直前辛酉解元遊庠時下學者留詩萬松書

院直和云間來隨處可投車借得僧房半榻餘蕉葉

雨聲詩夢冷蓮花燈影夜堂虛土人所福炷下狗山

半支更打木魚明日塵蹤又何地萬松蔭裡一肩輿

當道者見之有青藍之誦督學抱愧黜張下後獲復

遂發解

辰州董僉憲翠山篤信君子也有疾已絕復甦云見閻
王乃寶慶唐鳳儀為都御史者門上大聯云是々非
非地冥々漠々天或云明々白々天可異也

喬三石世寧耀州人擣衣詩云城上秋風木葉稀城中
思嬾擣寒衣誰怜此夜腸空斷獨恨經年戍不歸声
度隴雲傳雪嶺心隨關月到金微相思更有殘机錦
願逐長安一雁飛公常督吾楚學政一日閱數百卷
試已即行賞黜毫髮不爽楚人至今服其神敏云

慈谿王午山應選謂予曰郭東野為冢宰袁元岑茅見
滄為左右侍郭戲云昨外國進二獸不知其名或云
是小猿或云是小猫袁良久云昨一內相邊飲出一
扁命題予遂題云東郭草廬蓋訊郭為驢也元岑面多麻
高中玄戲之云面上豆袁應云肚裏少亦前意云

余郡守樊松坪垣初主行一條鞭法郡人深便之時值
燈夕城中各張結錦棚于門稅票聯句龍氏一聯云
賦役一條鞭官民同樂科名三及第士舉聯登龍氏
舉人三德宗德謙姪言名士則數十人樊守聞之大
喜令錄以入

余赴萬川友人印少窓采贈詩云荆門西去萬川城秋

滿隄塘江水平不用長牽催百尺錦帆風引月華明
萬言倚馬謫仙才玉陛新承 帝命來雲鎖陰岩幽
物伏青天白日掣風雷南山烟水北山雲竹馬兒童
近使君試向天生橋上望隨車甘雨正紛々百年声
教說文翁冠世才名賴有公從北英雄齊入穀品題
行見得人龍此公詩敏而壯與予賡和者實繁不及
尽志云

唐人詩有不及宋元者香山社數人是已宋人詩有類
唐音者曹翰一首云三十年前學六韜英雄常得與
時髦曾因國亂披金甲不為家貧賣寶刀臂弱尚
嫌弓力軟眼昏尤識陣雲其夜來庭下西風起羞覩
團花舊戰袍每一誦之不覺感發悲歌激烈豈獨老
將然哉

保寧張劍嶺地部因談文戲遂舉其鄉一學諭周爵號
梅軒者好詼諧人稱周文一日同衆友至庠見鐸鋸
匠被枷衆令調一文周云既常志懼而于此又加謹
焉鄉達任玉臺初涉浙憲長錢集任公云周痴子可
作一戲周云先生豈不以叫廉士哉不久當以四方
之物供簿正又至市中見婦人纏足者其布短衆令
有言周云塵無夫只之布少則不必塵矣又見一

人擔二猪行且哭衆戲之周云丹朱之不肖如此類
者甚多不可悉舉予聞之撫掌不己口捷之妙亦
至是哉

一浙友問予云冠者五六人童子六七人總是若干予
不能對渠笑云五六三十六七四十二總謂七十二
賢也此言意固巧矣何數亦偶合哉

在二臺奇勲云昔一士人留一友同業于家晝謂妻云今
夕當入宿妻出一對云點燈登閣各攻書能對則入
士出告于友友密對云移几倚桐同玩月至夕假士
人狀入誦對成歡而妻勿疑也比覺乃愧而緘適巡
史至夜聞院中誦對句不已次日以叩諸生士泣然
訴之遂置友于法此與陝右儒生事畧同而情則慘
矣異哉

實建中急語令自東坡諸公已行之至今尤盛然語
雖多而亦易誦一友人舉二句云拆破葛布褲布
補破葛布布褲十二字聲牙殆甚席間無能免
觴者常謂試官難士子詎在多目附此以引

解頤

應城華公公弘治中以少年登甲科鄉人傳其遊西湖
望岳穆武祠詩末句云我欲叩舷歌小海恐驚

風雨暗吳山小海亭見輟耕錄吳人吊武穆作歌之
風雨輒作西湖志仇仁近詩亦用小漁事

方外一老道手持一瓢故自號一瓢澧州龔天申為作
一瓢說云一瓢道人咲談風月吞吐江湖等世態于
浮漚脫塵勞于苦海浪遊天下踪跡太奇素善畫龍
每成輒題云牛舜畊作或曰道人姓牛乎道人曰呼
我以牛應之以牛安知予之牛姓乎不牛姓乎或曰
道人貌肖龍道人曰往予常夢登祝融峯觀日出與
長蛟巨蟒戰于洪濤怒浪中是時不知龍之為我耶
我之為龍耶我知携一瓢作方以外人誰牛誰龍誰

予辨哉顧龔子曰予知我請次其說于瓢道人之跡
固奇而龔子之說亦奇并可為世外奇談道人自稱
足跡半天下而被一箇澧州把我牽住數年隆慶辛
未冬偶微疾與

華藩長子味一殿下索柩卧其中令數人舉于城外
普賢菴而逝竟不言其家世歷歷惟臨逝時謂龔子
乃翁東園公云我去煩留一石于澧陽橋畔云方上
画龍道士一瓢之墓當有收予骨而歸者觀此則道
人雖寡世情而尤有首丘之思也書此以告觀者庶
相傳聞以無負其意云

余邑東一妓名海棠友人徐子生訪之留題云策杖尋
詩出郭東春風新試海棠紅我來若不留詩句只恐
人疑是杜公

姑蘇唐伯虎畫陳兵憲朗溪景題其上云紅樹中間飛
亂雲白茅蒼底界斜曛此中大古道遙處難說于君
画與君觀其詩可以知其画矣

內江高太湖察任湖憲長過萬之湖灘留聯石壁云瀑布
懸崖滾千流飛白雪錦屏列障森萬疊架青霄或
疑疊從三日宜不知古從三日言決罪三日得宜新莽
謂三日太盛改三田名家用一字必有考証如此

隆慶乙丑夏澧友龔天中者南歸同蜀友數人禱夢于
黃梁祠龔意慮乃翁春秋高也夢中得一紙云乾坤
正氣永不老閭闔門前著緋衣題回道入贈壬申秋
推恩詔至乃翁壽八袞州守最齋韓公榮以冠服龔
謝之席間述夢中句韓守躍然云余閭闔也豈余
之字澧翁之膺 思神仙預知于八九年前耶即口
占一聯贈之云君恩千載奇逢夢徵閭闔親壽百年
並永慶錫如郵奇哉 韓名詩
吳人

蜀中一訓導卒于鳳陽虹縣旅觀過萬忘付單末粘一
簡題云宦路八千里孤舟泣二童所逢人休惕免與

後繻同壬申夏新蔡曹亨書二十字令人慘然不能讀
 予在萬得一鸚鵡以寄源楚方伯公乃即公回以詩云
 萬川遠過武陵源長夏檐前語更繁珍重主人相贈
 意邇來學問已忘言學至忘言公之近養益邃矣哉
 姑蘇人常談郡守新任一詩僧詢之守云山僧何事謁
 王侯僧云大海終須納細流昨夜虎丘山上望一輪
 明月照蘓州一吏云詩雖佳但所屬下邑甚多蘓州
 二字太狹守云能易之乎吏曰不必易但于蘓州下
 增等處二字即備矣此殆冥言以嘲胥史者流耳余
 曾見此輩中有善詩多警語者不可以盡眇之也

徐龍濟諱中行嘉靖才子中人在楊林驛遇賈孝廉出
 顧中丞大字揚用修詩劄留贈二絕云遙聞高士卧
 青冥落日軒車為爾停曾是楊雄門下客白頭仍守
 太玄經楊雲奇字虎頭書前輩風流總不如徼外復
 從遺老見斐然雙壁照行車答王使君律云雲霄侍
 從憶仙班湖海飄零又賜環執紼頻年仍綠鬢塞唯
 到處有青山風塵萬事悲歌裡杯酒千秋睥睨間更
 羨郢中魯扈蹕祇今白雪滿江關黃雀樓新成云飛
 觀新從鄂渚聞高標仍得並蘭臺白雲忽自三湘起
 黃鵠依然萬里回不斷雄風催作賦長留明月照銜

杯鶚洲春草年々綠千古何人解愛才此公詩甚富
全集將布海內矣

華容黎狀元淳年始哀且質朴初應試偶經章臺少年
潛囑妓大呼狀元黎公公占云獻罷長楊出郭行忽
聞花裏喚黎生狀元本是天生定先遣姮娥報姓名
次年果及第

蜀合州鄒智弱冠發解市人爭睹之道塞至不能行公
口占云龍泉庵上舊書生偶竊三巴第一名世上許
多唯了事市人何用大相驚乃舅馮春谷衍贈之詩
云也可莊前舅送甥啻孟無語獨閱情乾坤滿眼狂羸

病誰為扶持濟太平鄙北上迂道訪冢宰王公恕王
見其年少問云此行定高第願聞其志鄙云愚志一
欲正文體一欲荐賢才王曰賢才為誰鄙云即公也
王勿答退謂人云此子發洩太早恐非遠到器次年
登第以言事謫吏日卒年未三十王公知人何異裴老

白士偉字用大潼川人分教予邑贈醫士何一絕云十
里仙源起瑞霞何號少霞知君藥鼎有黃芽昨從洞口看
流水半是桃花半杏花此詩謝皇泉已選入詩抄

周穆王八駿馬其名不同廣記云驊騮耳赤驥白兔
挽渠黃駒盜驪山子又云赤驥盜驪白義渠黃驊騮

踰驗山子綠耳列子云右服嗣字古驂而左綠耳右
 駢赤驥而左白馱字古驂主車則造父為御音泰而右
 為右次車之乘右服渠黃而左踰輪左駮盜驪而右
 心子拍天名人主車參百為御唐文宗曾奉商商二字
 以問錢起云此穆王八駿馬中名臣生平但不識
 此二字耳

謝臯泉名東山蜀射洪人刻選皇明詩抄予近得其詩
 云老學於陵自灌園故憑阿段遠尋源何時夜沒明
 蟾影幾樹烟籠白雀翻泓瀉上流紫舊鳩派分西澗
 遶新軒栽花種柳真吾事弄水觀魚亦主恩贈僧云

為愛中高面壁靈千秋留得結趺形團蒲東寺還西
 寺折葦南溪又北溟是處有家堪乞米清時無髮總編丁
 逃禪自昔名言在心會真如不讀經又次華綠呈祥卷
 宓子堂深棗萼芳秋高金粟遠傳香誰携滿袖滿湘去
 雀背天風萬里長公詩甚多此數首皆可入詩抄矣

某藩宗室貞湖諱多燭寄禮陽

華藩長子味一便面詩云南紀何年邸第開麻源秋色
 似平臺懷仙鴻寶凌雲起佩玉鷄鳴問寢田高帝子
 孫 貴孝王賓客長卿才江門短髮惟疎放曾有
 青藜午夜來此作何異唐音

味一自製小吟云池上雨新集芙蓉花亂開獨憐雙屬
 玉似伴野人來偶爾採藥還袖帶山中雲脫帽坐松
 下麋鹿自成群蟬鳴山月吼野色清人心高枕石頭
 卧涼風吹遠林澗水流花出漁郎來問津殷勤相送
 去莫引世間人向午步青郊日莫興未竭歸來倚庭
 柯舉頭見明月我有太古音試向松間操空有鳥雀
 飛林深人不到遊大通寺云寺隱芙蓉第一峯尋幽
 暫得寄行跡塔流浴窠飛岩水窻接啼猿偃蓋松詩
 客有時因月到禪房無日不雲封翠烟欲濕人衣袖
 靜入江聲起莫鐘和人夏日閒興云霓靄霏微晚欲

晴斷雲射日照孤城小堂舊燕已數乳高柳新蟬第
 一聲風過竹孫開故籜客歸童子亂殘枰擬將烟艇
 隨樽酒萬頃波光醉月明味一好吟咏善大小諸體
 書法所蓄經史子書圖画充棟性尤嗜菊孝友人無
 間言接賓客恂々雅々若書生子自蜀歸曾一叩之
 東平河間恐不是過也因歎

明藩文献殆麟趾之遺化哉

和唐音雖多然皆效顰與學少者惟劉洞衡多翻其案
 殊覺新奇和洞庭醉後云君山聳蟬響元不礙湘流
 未須重刻却留認洞庭秋和秋下荆門云巫峽蒼々

烟月空片帆東下逐江風鑑湖只在飛鴻外萬朵紅
 蓮歌笑中漢宮詞云望斷瑤池雀不回嶙峋仙掌倚
 層臺蒼生盡望金莖露願曰君王乞一盃涼州詞漠
 漠黃沙四望閒孤城迢遞黑河山東風肯棄龍荒地每
 對春來一度閑過楚宮十二峯前舊楚宮臺荒雲雨
 下江楓人間樂事皆成幻豈獨襄王是夢中宮中詞
 翠霧紅雲獨掩門有時罷綉出瑤軒貞心何用防鸚鵡
 花底含情相對言五七言律佳者甚多集已刻傳矣
 桂侍御榮鄱陽人按楚時曾立石君山紀其鄉李僉憲者
 過洞庭風浪大作舟幾覆李指其行筇口吟云此

中若有民間物早向風波險處沉吟已風浪頓息此
 與唐子方渡淮事同真仕途美談也

黃五槐廷美江陵人判湖州時署篆長興徐龍灣邀賞

牡丹分韻徐云蕭蕭微雨淨芳塵洛下名花掌上新
 一觀傾城無衆色始知絕世有佳人仙衣乍破巫山

夢錦障曾專帝苑春郢客如后今更少綺歌清夜莫
 愁朔黃和云聞道秋江久避塵群芳共揖玉華新宮

中已悞多情事世上能看幾代人雲擁蛟綃傾漢月
 草餘臺榭惜秦春使君莫續清平賦尚有長門結怨

頻二詩詞俱麗而寓意各有所指

肇慶太守彭參號白泉安城人初署予已諭贈醫士張
載道絕句野情已許乾坤老國手能參造化功幾度
春風江上望一林烟雨杏花紅

昔二國人相遇各言其國有大人一云吾國有人頭頂齊天足履
至地汝國有之乎一云吾國之大者異于是開口而笑上唇齊天下
唇至地身首未之見也此語視莊子二豎鬪于海中事尤奇勝

一巡史按涖蘇州見草中眠翁仲故前疑而問之府判勿

劇誤應云宦家仲翁巡史咲而口占云翁仲如何應仲

翁讀書全不用夫功唯居林下懶備問顧只好州蘇作

判通此與宋人如何得元解歸去學潛陶相類

武陵萬借山公詩多口占畧不經意予僅得其三首則

甚精練採薪婦云何處採薪婦携筐風日清毀巢憐

鵲乳掃葉與猿爭貞石留深坐空林怕獨行不應朱

戶女挑錦亦愁生高唐觀云絕頂高唐觀登臨亦快

哉雲依青嶂起江共白鷗來往事寧須問塵襟鬱未

開欲揮一盃酒作泪灑陽臺孤雁云孤雁今何遠滿

湘萬里歸影寒霜羽重情苦夜盡微繒織專相待孤

蒲慎所依誰能不射宿勢公傍雲飛

予即于文徵號夢玄以睢守家居有五湖之興元夕舟

泊予邑以詩邀源望公云元夕清懽殊未央花燈燦

漫紫薇堂 新朝寤寐思姚采舊約迥逢有范張海
內文章欽大雅尊前笑語任踈狂淥蘂春色堪同賞
佇望仙蹤到野航人日山中積雲野老携酌過訪云
野老衝寒過洞天烹蔬行酒亦春筵風林松檜不停
語凍壑烏鳶相對眠遙望窮蒼愁積雪漫隨鄉俗說
豐年花源久約烟霞侶只待晴明上釣船二詩清雅
逼人豈亦得之遊覽所致耶

會稽沈鍊號青霞山人由甲科歷官錦衣經衛嘉靖中
論斬嚴氏十罪安置保安州為民時虜破應州堡殺
傷甚衆制帥巡史反縱軍士割生猷骸以邀功賞公
為詩諷之云割生猷骸古來無解道功成萬骨枯白
草黃沙風雨夜冤魂多少首頭顱或勸云譴謫人不
當為此語公又云今日割猶少後日割應多縱不割
我首割民傷如何又書秦檜李林甫嚴某名于鵠上
射之制帥聞于嚴遂誣公交通白蓮教謀叛處以極
刑公臨刑詩云宋室忠臣死吾應是後身誰知今將
相遂是姓秦人嚴聞愈怒長子襄號小霞補州學生者
下獄必置之死未幾給舍吳時來論劾制帥襄獲免

世宗崩遺詔赦言事者始放歸

穆宗時襄貢入京暴其寃疏入昔公光祿卿賜祭蔭其

季子襄出塞收公遺骸歸葬四泐臺省為建祠中
 對聯云十代文章實傳治安堪並賞百年忠義岳公
 名字可同刊借劍上方驚心權奸欺國膽遺書巾悃
 陡寒孱帥喪師心浩氣凝春江國清芬流草木丹心
 貫日海天晴色麗雲霞忤時清節山河重愛國丹心
 天地知山人王時送小霞出塞二絕云送君遠道倍
 凄然憶昔參軍事幾年萬里平沙秋色暗忠魂猶在
 白雲邊直書朝上暮遐荒孤憤猶將學禰狂不用臨
 骸重懷恨只今當道亦流亡王元美墓志銘曰為國
 擊嚴不勝公徙為嚴擊公勝而公死公死不死神燁
 燁者億百千祀嗚呼嵩乎蕃乎順乎楷乎死而死矣
 此數言評公之斷案也忠臣孝子何代無之若沈氏
 父子可謂無愧矣

襄陽任亨太初殿試時卷未啓封

高皇帝欲擢為狀元

馬皇后在旁問此卷當是南北人

高皇云當是不南不北人已而果然蓋襄陽即與中州
 接壤公詩不傳止廣西志其湘江夜行云夜景虛
 明眼界賒水天一色浩無涯雲中不見湘靈瑟江上
 空迴漢使槎烈水照波燈射影銀蟾躍浪月生華櫓

聲嘔啞應無已驚起鷗羣過逐沙

梁有譽字公實廣東人與宗王諸公齊名嘉靖間蚤卒
故其詩不甚傳送莫祠部不學貴陽云獻歲星輅出
漢京南中鳥道入雲平遙經遷史浮湘處肯讓文翁
化蜀名戀關夢縣春署月登高詩滿夜即城莫嗟萬
里風煙迥攬轡應憐報主情詩不刻意而興致流溢
假以數年詎止此哉

道聽錄卷之三終

道聽錄卷之四

楚桃源汴南李春熙輯

男謙重梓

海內舉子能詩者多其得著名者大梁左中川國璣姑
蘓五岳山人黃省曾滇南張禹山合予楚孫洞庭宜其
餘浮沒不聞者可勝道哉近得左題釣魚圖云碧樹
三湘莫清江一短蓑嚴陵橫足后空說釣竿多席工
書扇云西州今日燕意氣捲江湖紫鞵過龍馬黃金
樽畫圖對人時說劍留客不呼盧明日清霄月還來
醉玉壺黃與張儀部飲朝天宮云綠殿枕丹丘珠林
啓宴道雨飛仙現午雲入冶城秋青鳥臨杯度長江

抱席流國華逢上彥西日任淹留張荷楊升菴云公
子思歸幾歲華王孫芳草徧天涯樓頭艷曲包明月海
口新銘蔡少霞光祿塞遙心遞鴈上林枝好只栖鴉
夢中記得相尋處東寺殘鐘北斗斜升菴注云此詩
漁人熟誦之集中絕倡也孫有洞庭漁人集甚富閨
中絕句云綉戶青春晚朱樓白日閒愁心將去雁飛
向五陵間日下江頭望江頭不見旋片帆估客下疑
是阿郎舡昔日鷺鴦合朱顏滿鏡中入門君莫覩不
似舊時容不喜千金市生慚萬戶侯引將夫婿去終
歲使人愁地遠書難得愁多夢不成高樓吹笛夕陽

斷五關聲封侯事莫定萬里望君歸未是蘇秦婦無
愁不下机昨夜高樓月思思更倚闌妾心從此斷何
用望夫山左清張古孫敏而贈黃有六朝習三子皆
不仕聞燕人張詩者今而琮華中載詩數首甚古雅
國朝山人若孫太白尚矣近日會稽陳海然鶴淮上張
雲谷本名卜棟真定宋鸞池登春予既志之矣又見
澹浮丘山人盧柟與張雲谷云海上海上曾留赤玉鳥山
中今共紫霞危相逢暫爾一飛去颯下天風駕紫螭
九日旅次家住南山近翠微山空長掩紫烟扉花開
盡日無人到潦倒秋光怨落暉青樓詞百尺高樓桂

彩烟錦箬銀甲亂哀絃夕陽欲下蘆花捲望見西江
萬里舡黃河道中懷人黃河渡口舊飛湍白馬東連
瓠子灘夏后山川餘斷石漢皇巡幸想回鑿寒沙滾
滾龍蛇動晚日滿工雁鶯乾慨古思居易搖落秋風
更送紫駟鞍臨清謝四溟榛遊京師與宗王李梁吳
徐數才子友故名尤著無題云楚女春心不自持月
明誰唱竹枝詞瓊簪玉珥何顏色翠幕朱闌且歲時
燕子樓空傷往事杜鵑花老負歸期江頭幾度風和
雨轉覺湘靈瑟調悲江南曲夾崖多垂楊妾家臨野
塘手拈青杏子不忍打鴛鴦夾岸多楊柳妾家近塘
口中有斷腸人即君不回首陳廬以忤時係獄卜露
賢死于道宋亦幾不免于焚謝初為諸公重后見宗
子相集有貽羞萬世之語其人可知矣大抵小人忌
恃才使酒仗氣尤患嗜利趁權無此數者斯不愧稱
山人矣

常評古今事文越絕書非子夏手楊升菴因后有隱語
遂以謂會稽袁康與吳姓者同作偽以傳偽也論衡
澄複非王充作蔡邕所秘古今皆信之訛以傳訛也
香山九老之作禡于唐詩崑山之砥砢也許衡獨立
于元朝鴟群之野雀也吳卓廬以五官文補冬官之

缺合浦之珠還也董丞相以聰訟知立二條補致知
格物延平之劍合也識者其與我否

唐用沈韻試士欲以為程其會沈韻非正音洪武韻乃
正音也猶今時以經書集註設科姑以立準其實集
註非定論二程遺書朱子語錄等乃定論也詩韻小
技無論今人見陽明諸公說書者少異朱子遂起而
非之不知朱子之定詩柄契解他經多不依漢儒注
疏夫漢去古未遠而朱子乃異之不惟其世惟其理
也諸公所論合理者朱子恆生能不首肯而心服乎
此但可與知者道也

龍德崇伯初太渠公叔子訪蘓門陸山人次韻奉答云

濶抱俄經幾歲華相逢又言醉流霞居環翠岫真盤

谷門傍清溪即說花坐久渾忘天晚暮歸遲一任路

迂斜何時枉駕輝蓬華倒從歡迎酒可賒橋梓昆季

俱擅詞翰而行誼尤端崇乃以萋菲見黜歲庚辰秋

巡道內江馬公巡史新塗朱公恢復之輿論快焉

趙子昂宋宗室也仕元為學士工書畫與詩常作江山

萬里圖大為時重或題其一云吳興公子玉堂仙画

出王維勝輞川西岼青山多少地可無一畝種瓜田

蓋訖其不及東陵侯也可謂得風人之旨矣

王麟泉用汲晉江人以詩禮登鄉會魁選為予郡二守
好學工詩贈戚參戎云伯氏威名滿朔方將軍意氣
更昂，關弓馬上橫秋月，弄劍尊前落晚霜。遺愛千
家歌雁蕩，長城萬里壯渠陽。由來諸將山東盛，韜畧
于今不數姜。此詩雄壯以贈，將材稱矣。

浙台太平縣塘下戴某妻洪氏，元丞相達魯不花云：
江頭沙磧正交舟，江上人懷百戰憂。力屈果卿生罵
賊，功成諸葛死封侯。波濤洶湧鯨橫海，天地寥廓雀
怨秋。假使臨危徒苟免，讀盡端為大夫羞。此婦必能
守節不二者矣。

陳朗溪備兵天津，吳僧正念寄詩云：聞道天津天吏來，
烟雲風日一時開。莫教古寺無祠屋，更臺中丞有將
臺。斗大黃金懸作印，江空白玉碾成盃。兩朝二傑皆
吾土，欲頌慙為閣卷才。

原注：韋朗翁不鎮天津，因憶旧里
先達中丞公故，以為濟陳亦吳人。

元趙仲穆，字昂，學士子也。善畫蘭，道士張伯雨題其上：
云：滋蘭九畹，雖多鍾不及墨池。三兩卷此日國香零，
落盡王孫芳草遍天涯。出草木子，與前諷其父詩同。
意調仲穆遂不復畫蘭，不知子昂竟作山水否。

浙太平莫東白，宗師以詩遊楚，題隔牆梅寄人云：憶君
須是寄君時，君看梅花若有忠。昨夜碧天明月上，隔

墻斜度兩三枝

蜀梁山來知德號瞿塘壬子御魁以母在不仕高潔士也嘗手書二圓刻云欲為七丈夫須立丈夫志欲為一等人須做一等事人間大丈夫挺然擔道義切莫學婦人一團脂粉氣又既同萬物生須超萬物表既居天地中須同天地老人生配三才有德即為寶切莫如草木朝華夕即了矣考其行不愧此言

曾子北即見四刻言約而意切甚可做俗一天有眼認得人假是假真是真你為惡他不噴遠在子近在身二天有口不說話喜不笑怒不罵你為惡他不怕不要緊莫為罷三天有心記不錯善是善惡是善常把心抹一抹凡百事要斟酌四天有耳聽得見任你言他不厭說話的討方便惱了他沒人勸

三卿言岳行宮壁間有画三人眠伏虎背者少宦印公少時題其上云萬事無羈且黑甜風清雲暖夢悠然三生伴虎君無畏世上人人伴虎眠淡切時病

安南使者應問詩云君問安南俗安南風俗淳衣冠唐制度禮樂漢君臣瓦甕藏新酒金刀剖細鱗年下正二月桃李一般春此詩流麗必吾華人寓彼為之指授者

聶大年為仁和掌教湖廣之東廣西山西四處俱聘主
考聶辭之以詩云名藩較藝遣徵書道路頻煩使者
車老大難行太行路平生厭食武昌魚五羊城古仙
遊逐八桂雲寒樹影踈寄語天涯好知己莫因詞賦
薦相如句意天成中二聯與錦瑟同工矣

余即高吾原司馬諱洪謨不刻琢為詩而詩有氣象如
其人題太真香囊云一片冰綃製作殊持來南內重
款歎誰知囊裏香飄散猶有臊胡氣未除秋胡謫云
柔間避迹信還疑聊把黃金試別離一死此心終暴
白秋胡男子亦徒為公大製作又有全集刻行矣

錢塘田汝成云古之所謂庾詞即今之隱語也而俗謂
之謎柱杖贊即謎云用之則行舍之則藏惟我與尔
危而不持顛而不扶則焉用彼打稻耒云孤竹君遇
孔子問曰汝何器也孔子對曰瞻之在前忽焉在後
天下有道則見無道則隱贊賦云夫人之子智過君
子卿慮德之老而不死日謎云畫時圓寫時方寒時
短熱時長此皆以文為戲者也

西蜀某縣一友向姓號小山字翰絕佳人亦風致應息
選貢元督學發策時語之云昨閱汝文人尤可企字
則海內或罕故掄首列蜀人云某縣貢元自取之也

前載丘文莊紅指詩乃學究体恐非真浙人瞿宗吉詩
云金盞和露搗仙葩解使纖玉有瑕一點愁疑鷓
鴒喙十分春上牡丹芽嬌碎粉泪抛紅豆細榴花枝
鏤絳霞友伴相逢頻借問幾回錯認守宮砂此作似勝
沈秉號小霞忠臣青霞公伯子為安鄉令寄劉洞衡四
絕云春沃五岳好同遊碧樹青山翠欲流草下素書
馮厝寄思后猶在澧溪頭近踈豈是簿書流孤負西
湖上釣舟十里青山烟霧靄六橋蒼柳一春愁平生
寂寞更生子酒滿林頭花滿庐昨夜文光射南斗笑
藜應中太玄書枝頭好鳥弄春声喚起尋山問水情
不是浮名羈絆我數莖白髮為蒼生劉和蒼云海岳
誰同汗漫遊王喬飛鳥在空流東風一夜吹回雁萬
顆明珠繡水頭鳴劍歌殘水不流翻霞彩落漁舟
湖邊亦有精忠廟萬樹南村葉愁滿天風雨來南
浦一道千旌擁敝庐玄草青藜非我事床頭惟有讀
淺書抗疏彤庭舊有声君家忠孝古今情尊頭莫話
籌邊事寒雨酸風百感生贈答賡倡不減元白矣
孔子之大如天地難名古今贊者雖多不過管窺之耳
惟宋米芾云孔子孔子大哉孔子孔子之前無有孔子孔
子之後無有孔子孔子孔子大哉孔子語簡而意盡

懷舫李承寵江之吉水人常見者便面別省中寮友云前
 輩風流久欲師和光塵世幾相知衣冠十載陪鷓侶
 綸綍三朝出鳳池嶺海只今成隔絕愛龍何日更追
 隨離筵莫慢傷懷抱且向炎荒啖荔枝清婉可誦
 今人問信為探消息消如水之消落息如木生息或
 消或息六可必也言數目為若干若如也干從一從
 十少則如一多則如十或多或少未之定也選官曰
 除授謂除旧而授新也今謂除某地某官誤矣此數
 字皆恒言人罕能解亦日用而不知者也

龍渠南德化太渠翁仲子詞翰俱有父風常喜其謝一

峯上人遺十樣錦花二絕云拋俗來偷半日偷間白雲
 深處叩禪關雲華幻出羅屏錦笑許遙傳一鉢還空
 空色不摠歸閒眼底誰參空色閑莫向曇花誇色相
 就中領取一空還一峯乃高僧人詩兩稱矣

唐應運京山人年少多文授例卒業成均刻有白谷山
 房福辛未秋選中翰奉使百粵題澧州清化驛壁云
 澧陽積雨萬松寒鼓缺空歌行路難巴嶺夜深飛雁
 迥武陵人去落花殘青山有意供詩草綵筆憑誰問
 蘭一自孤槎成遠道無歸函夢遶長安風味可掬也
 大家宰王疎菴公隆慶辛未春位少司空時送乃弟前

山道赴任汝陽月二絕云可歎南宮陋俊英銅章暫
握出承明淮西爭逐兒童馬贏得河陽花滿城二云
汝携孤劍望河梁我在燕山數雁行連枝會歇驕歌
起飛鳥還應到帝鄉予時在席間親見揮洒云

文彭乃衡山次子詞翰頗有父風官國子博士予曾見
其寄人詩云誅茅築室大江隈水濶沙明浦淑迴苦
憶故人隔塵市一尊獨酒對誰開清逸可誦

聖祖微時留題一寺壁再幸則亡矣詢主僧不敢言因
命之詩僧口占云御筆題詩不敢留時只恐鬼神
愁曾將法水輕洗猶有餘光射斗牛遂釋之

予邑何廷璽少游庠序晚年落魄人皆呼為風子云一
日持素笈索詩于少宦印公時一密風就地飛鳴不
已印遂以為題就地飛來就地鳴渾如江上鼓吹聲
元來何處顛風子摠為貪花似病醒何亦不以為侮
南無二字乃佛家語說者不一或云南方所無或云南
火地佛能滅却心頭火故云皆臆說也近見王元美
危言云梵言南無此言歸仰即皈依意及攷大藏覽
亦云足見鳳老多識

余師金山黎公邦彥嘉靖丁酉舉于鄉三上春官不錄
遂隱居著述甚富四書質疑中謂公都子曰告子曰

性無善無不善直至惟心之謂與當作一章蓋乃若其情至引詩是答無善無不善富歲子弟至身恭悅口是答可以為善可以為不善牛山之木至引孔子是答有性善有性不善細玩之始信其非穿鑿支離之說其他經史左綱如此者多不能盡識

近日海內校文獎行者多以崔勢賄賂致向在京師同郎一友偶譔及茲契因舉其鄉擢一試目云德行閔子騫冉伯牛仲弓或曰顏子是聖門第一箇有德行者何以去之曰因家貧故爾一人問曰公治長無大好何以考居第五顏淵大賢反居十二曰公治長有夫人故居高等顏淵家貧又無夫人得第十二足矣此語與宋伶人訊王安石從祀相似不惟可博笑亦足規江河之世變矣

先朝大學士戶公是都御史二公鉞相遇是揖王云穆穆文鉞應声曰赫々師天生對也

予仰陳春宇思育以宮贊守制家居刻意古作酬予詩云並遊曾憶鳳城邊別後雙魚阻未傳投綬豈招黃雀羽披緘先覩白雲篇芸憲移帙山花艷竹塢擎危洞月縣見說年來多述作幾時從問子雲玄何緣初服返長林羨爾能多物外心采菊慣尋三逕晚開堂

遙挹萬峯陰悲秋采子耽吟癖避世龐公抗跡深翔
鳳狎鷗無不可此生只合仕浮沈高城鳴葉傍蒼飛
故里朋俦識面稀剡水迴舟虛有吳仙宮携酌悵俱
違雲霄暮筆慚多病江漢垂綸歎息机想見歸來多
逆趣西風行采北山薇幾回佇望滌蘿居此日詩來
重啓予河口何時同繫舸濠梁乘興好觀魚抽毫蚤
獻三都賦檢笥多窺二酉書鄉里詞華吾最後凌雲
猶念老相如谿上何年挂漢冠條然三迳任盤桓殷
勤故里勞傳札咫尺同心阻握蘭秦洞雲垂福筆潤
庾樓月浸弄危寒陵源一水猶離隔十日平原可易

籬秋日壽予六十賦歸三迳日悠哉北海味浮薦壽
杯洞口雲生携雀去松閒日挂採芝回抽簪弘景能
高尚作賦相如屬妙才不有東來縣紫氣少微誰識
楚天隈北二別予云文園因病久盤桓明月投人幾
度吾大雅幸言吾黨在同心真惜此生難那堪故里
仍揮袂豈合清時蚤挂冠別思千重何處遣鴻書計
日望長安此公秉淳養粹學洽才敏維楚昔稱有材
詞林稱藝圃如此材藝恐難多觀惜予不足承之也
龍伯貞和云行吟楚客老江邊賸有新詞共我傳解組
已裁歸去賦題封重寄遠遊篇望中紫氣侵雲薄坐

上青藜徹夜懸况是伯陽心印在真詮吾欲叩玄玄
桃花溪上古雲林寄傲歸來生遠心譚塵每看懸昔
魏詞鋒直欲倒何陰桂蘭掩暎尊常滿松菊迂迴徑
轉深遙憶玄堂娛樂地山樓落不暮烟沈荏苒風塵
歎索居約來蓮社正慚予醉視菊瓊新浮蟻懶負芸
憲老蠹魚李愿声名盤谷序嵇康心事絕交書停雲
漫亦相思詞太史詞頭錦不如望入花源思欲飛可
堪炎燄往來稀山于謝眺元多分世與陶潛近已違
仙逕高風醉雀夢浪光明日印禪机何時大白浮棗
落屈甄亭前咏采薇二君昔同榜茲復同調矣

寧藩癯仙好坎離黃白術能為詩詞一日于宮中題莫

春詩得首二句云怨風愁雨惣皆非風雨俱無春亦
歸攝詩聯句未就忽一蓑衣道人自外入癯仙心知
為異人叩云汝能詩乎曰能吾此詩未成能續之乎
道人應戶云蜀魄啼殘巷影瘦胡蚕卧老柘陰稀枝
頭綠嫩梅初實口角黃乾燕欲飛倏忽不見癯仙復
足之云吟罷新詩人不見杖藜惟挂一蓑衣亦異事
也此詩中二聯果奇惜首尾不稱耳

謝臯泉詩話載宋末人聞雁云八月新涼岼草枯數聲
哀怨雁來初憑君試向沙汀看可有匈奴二帝書葉

子奇云宋末好養鶴太學生題云萬鶴盤旋遶帝都
莫收朝放費功夫何如養取南來雁沙漠能傳二帝
書林霽山見憲新糊有故朝封事稿題云偶伴孤松
宿嶺東四山欲雪地爐紅何人一紙防秋疏却與山
憲障北風葉子奇云近時有以張巡傳糊牕者一士
人題云坐守睢陽當豹閔江淮賴此得全安至今青
史點零落猶障憲風一面寒此數詩皆有新意

萬曆庚辰元夕時苦久雪初霽月色如晝郡人競燈陳
智夫獨製一巨鼓大書其中云晚來簫鼓訖春声
夕兒童結伴行燈 九衢君莫羨御堂賸有福星

明一時現者閣筆

琵琶西廂二記乃梨園詞曲之祖常見李中麓寶劍記
序云永嘉高明則成初編琵琶時坐高樓中每夜秉
二絳炬于前詐云神助以爲其傳曲成自歌疊足爲
節樓板至有足痕而未盡其顛末近見徐士範叙此
記云金時高東嘉爲其友王四作王四績學不仕高
勸之應舉及登第入贅不花太師棄其妻高以此諷
之取義琵琶者以此二字上有四王托名伯喈者以
常附董卓元人謂不花爲牛不花與董俱爲太師云
張廣才自况也

聖祖微時常喜之及得位逮王四寘之法河開玉峰長
公序西記云自元微之作會真記後金時董解元作
傳奇元王實甫作記斷自草橋驚夢從此以後乃閔
漢卿所續極力模擬終覺鈞銖言之甚詳必有所考
元人又有院本打者一副淨一副末一引戲末泥一孤
裝猶梨園之有生旦外末淨丑貼七字之義或云反
語生為熟丑為好旦為夜六為幫淨為鬧末為始可
也若外為內則似牽強姑存之以俟知者

天寧寺塵外樓吳中佳景也唐荆川羅念菴薛方山同
游倡和留于樓上唐云瞰郭樓臺誰共登偶携仙客

共山僧林烟渺々人家靜塔日微々暮氣蒸浮世閑

看飛鳥過机心不動白鷗騰生平自笑支離甚散髮

行歌此又曾羅云名山不厭遠攀登記得岩中過定

僧來望海門來震澤南浮沁水過臨蒸忘家漸喜身

飄泊齊物何妨語沸騰大道晚聞机事少漆園生計

昔還曾薛云十年朝市逐人登今日相看白塔僧石

鼎烟銷紅火活竹壚湯沸翠雲蒸雨卷蒲團靜

過羽飛空錫杖騰可笑黃梁炊未熟不知塵夢醒來

曾三公文章節義高于一時此詩不但膾炙人口足

與名山同不朽矣

太岳張公過應城訪李義河詩茂陵同病復何如強半
秋未未有書豈為浮榮愁墮甌頭知世路可翻車青
雲結綬誰相引白首論文獨共予身事繽紛那足問
碧江東畔有鱸魚同吳大尹夜築古城寺山寺移尊
接几進薜門蘿迳隱蒼烟江涵雁影秋將盡月散林
光夜不眠傾蓋喜逢東魯彥入疆初聽武城絃百年
禮樂今還見記取風流啓後賢丙辰秋居翰林時作
陳一能號洞衡春字太史仲父令江津歸致和前韻云
聞君結社水雲邊珍重詩郵百里傳清夢幾回銀海
月新詩喜續玉堂篇陶琴無譜聲猶古陳榻栖塵日

每懸雪夜何時清興發蓬窻與爾話幽玄林酒山中
開竹林率真應會昔人心孤槎月浸寒潭影短迳雲
垂古木陰漢外鳴鴻驚歲晚門前落葉報秋深倦游
已辭逃禪與坐聽鐘聲到衣沈社後猶看燕子飛一
秋天暖雁來稀才名應合干時忌踈懶尤宜與世違
方朔金門兼大隱維摩丈室息塵机閑來呼語栽花
譜半醉掀窻看紫薇歸來新卜水雲居騷雅恰居重
啓予明月光涵翠咽窈碧蘆秋晚鷺窺魚澆詩細檢
烹茶譜坐雨閑翻種樹書寄訊謫仙栖古洞生涯歌
酒近何如此公才敏對客揮毫復疊四章不能盡識

陳春宇太史北上陳習夫以詩別之云蓬萊宮闕九天
開遞爾仙郎紫蓋來携取衡山雲五色嵩呼為祝萬
年杯金馬重趨供奉班憑將彩筆侍 龍顏直今
聖主崇文事未許詞曹似舊閑山館春融夜色濃當筵
為我賦芙蓉燕臺北望雲多少不及分携意萬重醉
餘題壁滿山堂遠底鴈牋翰墨香縱有魚書君莫寄
天涯空自斷人腸四絕清雋足以傳之詞林矣

昔稱楊雄能識奇字唐王起自言平生止不識八駿馬
中二字可謂博洽矣今時字學不講惟以上下傍側
或如字讀之姑舉一二大學治國之治音持平聲下

國治方是去声中庸率性之率音戍索隱之索音色

委積音魏噴二孟顛顛之顛音過袒免音但問巨孽

之孽音百宴翅之翅音啻以上見集註年大全書舜典相似讀

如禱祈禳却也祈求也太甲從史音聳勇與從通同

勸也見大冒頓音沒突可汗音免寒關氏音燕支單

于之單音禪萬俟音木箕食其音亦幾以上見通鑑注瀧水

音雙 番禺音番禺皆縣名牂牁音臧歌即名龜茲

音丘慈國名欵乃音禎藹舟中歌声曹大家之家音

姑班彪女恩妹宿留音秀酒盤桓意以上見玉篇墨床音

迷滯軟弱也眠姪音免忒瑟縮不正貌見列子注逕庭之

庭音聽過激也并解沈音并僻曠水中殫絮也見莊

伯儼音熾賦見相如賦視縷音羅呂委曲意大藏經每方

音則與卷同字義亦有難解者雜劇中啖字云可以

為飲者齣字諸書不收曾問萬借山公云音休今人

將語云莫提齣亦未見所出眼前字且難解識辨奇

古者乎王元美危言所載異字甚多此公殆今之王

起楊雄也恨未得携酒造亭一問之耳

詩中字有平轉仄者琵琶之琵音弼馬援之援音願凝

脂之凝音佞有仄轉平者廉頗之頗音婆姓名中有

去其一字者楊子雲作楊雲東方朔作東朔并見唐詩

鼓吹之吹中興之中皆作去声酒帘上書為字乃會

賓古字今人賀生云華誕誕字不知何取孔門三歲

與點長物之長漕運之漕頓還日現之現空國

陳仁甫太史佳楚許太史穎陽國贈詩云君去王程在

故鄉赤車將命倍輝光到家長吏先除道授簡諸侯

盡猷觴路夾桃陰迷洞口雲開山色見衡陽誰知司

馬南游後更有風流玉署郎非颯陽無此作非仁甫

不足當此作每一朗誦二妙俱在目中

上高王咸虛亦戊辰甲科由廬溪尹擢衡州二守別予

邑李大使云盡日江頭醉落暉交情眼底似君稀相

思無限尊前意湖北湖南有雁飛四句之中情景無限詩貴多乎哉

陳智夫飲馬園亭云仲氏園亭百卉芳當筵笑語送
溫香暮烟莫漫催歸騎願得春宵似歲長覩者定知
非風塵中人語

陳朗谿晚年林下與段西谿都聞為香洛社段自稱有
房術朗谿即事代閨人寄云雙飛紫燕過橋忙妾在
深墜正憶即穿破舊絳紅衲襖病來無力嚼沉香此
詩膾炙人口予至郡每聞詞客誦之智夫乃公仲子
東山劉公正德初被逮過真定一野寺中題壁云歸休

林下已三年復逐西風上九天到處愁看民失業誰
人誤羨我登仙因車爭似蒲輪隳客館何如草舍便
偶寓禪房聊寫意不須浪費碧紗錢詩中無一毫怨
憤意真休大臣度也萬曆間華容孫山人斯憶北
上過寺有感云燕京南鎮天雄軍故老經過哀步聞
遺字壁間垂百載大名鈎黨說三君丹心夜照滹沱
月烈氣春浮碣石雲塵劫有緣聊再見九章誰續宋
生文山人乃洞庭漁人伯子

徐龍濟過武陵贈睢守於夢玄二首云掛冠嵩少便歸
耕推轂雲霄有大石借寇豈無三伏關報劉終是一

陳情提戈忽見妖氛淨高枕猶令楚水清經術季長
元不淺曳裙南郡滿諸生少年陳乞為潘輿汝穎循
良總未如譽起萊城和氏璧功成一箭魯連書山多
桂樹深招隱家在桃源穩卜居自信丹砂堪出世不
妨垂老混樵漁公雖工于詩而因人應答此詩其深
注念且得意者乎

慎齋王公貳變署開禁殺牛文并序開邑之西五十里
市曰臨江日每殺牛恬不知恠盜售者幸焉藉以為
主相容為奸余來署茲聞而憂之禁之以文其詞曰
咨爾市民亦知生之為生刑魁而蠢性遲而馴脫驂

馬之羈馱不踧嚙而狂奔于人有功粒食之源叶鳴
呼此而殺兮爾惟不仁方其東作攸勤南畝倣載往
來耒耜蹶躓泥塊嗟尽日以劬勤乃神罷而力億嗚
呼此而殺兮仁烏乎在麥秀薪々兮色枯黃黍稷穎
粟兮如茨梁菜場納稼兮牛服廂捆載而往兮千斯
倉觸炎負喘兮汗成漿于牛何益兮農夫之慶叶鳴
呼此而殺兮爾惟不良桃林未放周武賴以克殷即
墨僅存田單用以勝燕宣王有敵鯀之傷丙吉不橫
道之患嗚呼此而殺兮情莫安非有事于大報焉用
繭粟非有享于山川焉用駢角聞賣刀買牛不聞割

牛聞賣劍買犢不聞害犢嗚呼此而殺豈意已毒律
條惟悉 國憲甚明小人無忌君子執下是可殺與
殺之干天刑服勞任重百物無過生茲活民尽力實
多是可殺與殺之傷天和折藩祀垣伴侶是糾昏夜
竊牽時毆疾走或擊或犧黃特玄牡彼圖易售此貪
賤取泝源揆由宰制之咎嗚呼是可殺與盜賊之藪
絕貧之根失富之羣耕稼斯悞斂穫惟艱叶致之伊誰
私宰之因嗚呼是可殺與害物及人其尚慈爾心循
爾分深長爾思謂食為民之天謂牛為食之資惠養
愛惜無以殺為然後奸不生禍不伏刑無所觸相安
相樂以受茲多福此文詞雅意切非但可以諭開人
也有好生之心者幸為廣其傳云

德化勞公堪督學西蜀敏捷公明人不敢干以私巡院
署其薦語云門清如水惟聞鈴鐸之聲案倒如山絕
無罅隙之迹日閱千餘卷而品藻不差歲滋數十郡
而勞勩不恤予至蜀歷訪士人因勿心服噫如此督
學可多得哉三石齋公蓋無愧焉

夢菊郭公棊官儀部郎皆陪祀園丘十二首 聖主郊
禋肅百儀祥雲五色引龍斫侍巨扈從都星拱聞有
相如賦最奇南郊新整漢官儀曠蕩恩波下鳳墀陪

祀百工鈞普錫只忘不惜錦千机 法駕清晨出建
章隊前多是羽林郎凋弓滿血凝霜碧鎖甲魚鱗耀
日光翠華初發大明門十萬貔貅分作屯庶姓歡呼
效嵩祝從知 天子本來尊廟人飛蓋御行宮肅人
千官拜舞同內史傳宣頌早膳銀罌翠脯下雲中
駕出齋宮詣泰壇省牲省器事多端我 皇誠敬真
淵篤一一虛心問禮官六奎鳴玉赴丹立豹尾千重
護衮流鵠立侍臣嘶鳳嘴蟬聯內監擁貂裘風肅西
山木葉飄齋宮謁罷畫簾人從臣簪佩紛如雨又報
臚傳促午朝餘多不能悉記

萬曆丁丑中秋予值初度避客于郡之武山人上有玄
帝祠殊宏麗時龍伯貞昆仲業已先登焉相遇盡醺
而歸逾數日伯貞大書四詩寄予咸稱二絕今識于
此云柱下當年不世材函關紫氣為誰來杖頭明月
南華卷江上春風北海杯何處中秋能放舸幾人初
度此登臺同遊二仲還多興直欲乘槎犯斗回有客
懸弧泛明月聚來百里水雲鄉雀林風動霓裳舞桂
影光浮玉液香摠為扁舟娛白髮直將吾道付滄浪
憑誰圖作鵠夷画祝向人閒畫錦堂石室蘭臺合有
名仙才原諳自長庚登來實效岡陵祝醉後還看海

月生画舫錦袍天一坐宮囊商調郢中声客星會見
 君平卜玉筮金錢落朗城翩翩青鳥下壺天曉夢初
 醒客醉眠良夜正懸徐穉榻故人忽艤李膺舡杯擎
 鴻雁三湘月歌裊蒹葭百里烟不淺交情須此會高
 山流水自年年一時情景宛然在目字尤飛動可愛
 題傀儡詩多惟記王文成一律云到處相逢是戲場何
 須傀儡夜登堂韶華過眼三更促名利牽人一線長
 稚子想應爭說說矮人亦復浪悲傷本來面目還誰
 是且向尊前學楚狂八句之中皆有規勸
 沈小霞善画梅俱有題咏予得其三首云對客朝下恋

酒杯眼前風月咲談開老天縱我踈狂性不著文章
 只寫梅莫問山人興有無雪飄梅放酒當壚風前只
 恐花狼籍醉拍春光入画圖塵世逢人咲幾回無端
 白髮鬢邊催春光冉君須惜我有梅花正好開公
 令安流士民咸謂二百年所未有甫四年銓部以輿
 論超躋內召授刑部主事聞者稱快噫公之德術
 多能其得于疾疾中來耶

隆慶中俺答入貢請封王時朝廷許之而難其稱或
 問于本兵山西何公公曰封一字上同親王封
 二字則下同宗室皆不可此止可封為三字王或請

其名曰率濱歸王訶者因其効順意實借歸為龜以
嘲之京師相傳以為善謔

九種龍名義已具前楊升菴執林伐木又有椒圖似螺
螭性好閉故立門上蚘蚘音彫拆性好陰故立橙頭
上橙頭護朽別名椒圖即因牛蚘蚘即嘲風

凡寺中有伽藍土地伽藍漢譯園謂寺為法園欲蓄息
也寺門四金剛執劍者風也彈琵琶者調也執傘者
雨也手中如蛇者順也順取蜃類蛇二事雖近詢僧
多不能應

艾熙亭穆吾楚平江縣人戊午鄉薦為比部即以言時

事謫戍寧夏出塞詩云萬死猶令戍朔方

聖明原自重綱常西寧風土遷人少北極星辰引望長
楚客江魚身可葬漢臣馬革願為囊深山到處堪藏
跡誰謂天涯異汝鄉

濠梁朱山人宗吉送人還山中云別君肝胆向誰傾十
載緜袍戀友生散盡黃金猶結客歌成白雪少同聲
山中散桂初招隱海上羣鷗舊有盟病後天涯知己
去一尊芳中若為情病中東諸君子兼懷童子鳴漢
宮晴雪照蓬萊病起登樓海岳開千里故人書未至
十年旅夢雁回迴冬雲忽繞荆卿宅芳草偏生郭隗

臺偃蹇風塵還自吹為怜春尽且啣盃送吳生尚還
無數離憂孽筑傍悲歌那彼問昭王秋栽薜荔懸衣
色夜拂芙蓉落劍光狗監幾時能薦賦馬卿今已倦
游梁相看且醉壚頭酒明日風塵去路長吳川樓過
訪賦恣天上朝回解玉珂猶能飛蓋入煙蘿綈袍忽
動華陽色濁酒聊同燕市歌郭外秋声悲鼓角簷前
霜樹拂星河何人不厭狂奴態醉裏看君意氣多此
詩傳自予郡四府楊于岡公之當簿書平反中留意
山人詩如此可謂以文雅飭吏治者

孟姜女澧州慈利人慈邑祇知尋夫長城下不知死所
陝西同官縣有祠祇知尋夫死此不知何許人嘉靖
初李汾涯如圭以戶書督邊儲入祠見碑遂合而紀
之自是二邑人始知姜女始終云汾涯公闡微顯幽
之功大矣

苟仙姑號瑞菴亦慈利農家女幼許村民子年十餘不
願為夫婦狎狂浪迹嘉靖戊戌歲大歉採蔬山中遇
老嫗以手持蔬與之食已昏悶遺其村覘國山偃卧
數日方醒遂休粮惟飲水其家以為死矣及知而覓
之則姑端坐石室中能言人禍福久而能詩能書天
文地理方術古今社史京國異聞罔不淹貫諸藩王

迎而閉之高閣旬月不食亦不便溺往來士夫訪之則與談執証學亶、不休迄今年近五袞居山將四紀而丰姿如少年談吐清亮如京人獨不應所叩矣予亦曾親謁之將來不知其究竟何如即此已為人間希覩也噫異事哉

大禹治水立碑岫嶠山嘉靖中農人耕地得之長沙岳麓書院傳之西京俱不能識乙未春甘泉湛公為南祭酒令諸生辨之予楚靖州監生沈鎰苦思夢神人指授之云承帝曰嗟翼輔佐卿水渚輿登鳥獸之門參身洪流而明發爾興久旅忘家宿岳麓庭知營形

折心固弗辰往求平定華岳泰衡宗疏事稟勞餘伸裡鬱塞昏徙南瀆衍亨衣制食備萬國其寧鼠舞蒸奔時有傳之雲南者楊升菴見之云是何難乃水形螺文篆也朗讀之而沈祇差四字以渚為處以輿為與以鼠為竄以蒸為永沈云鼠乃穴處因水平而舞猶陽鳥攸居之意楊謂逃竄者皆得所而舞意同議者謂唐虞時無卿六卿分職始于周以二句疑之亦似有理識之以俟博古者

嘉靖庚戌春試張龍湖公司衡試日先行其言而後從之首卷云有所不足不敢不勉、之不已又從而先

之焉其有所餘則不敢盡不己又從而後之焉
人皆以為累旬復語質之公云集汝下第四千人
同一處商確三日不能為此一語噫英雄之欺人亦
至此哉若唐荆川請事斯語繳云天下歸仁雖非回
之所設期為仁由已則回之所當自勵者也錢鶴灘
未見好仁惡不仁起云凡出于天理之公者不必皆
同而同謂之仁凡出于人欲之私者不必皆同而同
謂之不仁梁懷仁孔子聖之時云可仕則仕不必待
天下之清也可止則止不必任天下之重也可久則
久不必窮日之力也可速則速未嘗終三年淹也此
數語則真足以當之金星橋臣事君以忠中亦君猶
天猶親不可欺向士人爭效之遂成套語及觀解縉
萬言書業已先之矣

聞昔二文學私屏坐談一云昨某生送銀一封啓視之
偽銀也因口占云秀才姓陳送一封銀將來一者竟
舜與人一云某生餽一猪首乃自斃者亦口占云秀
才姓牛餽一猪頭將來一嗅竟斃其猶相與撫掌且
云我輩還作一破一云二生于二師皆不成享者也
一云二師于二生言必稱克舜也二公可謂以文詭
以吏隱者

黃雀樓題咏甚多近得二長篇一為富順熊敦朴號陸
海由祠部主事謫三即倅登樓答李葵菴即守云李
白槌碎黃雀樓崔顥題詩在上頭白雲黃雀俱陳迹
賢豪意氣凌千秋問我何方來忽謾相逢此三載別
承明始潭中屈子屈子去我世已遠仙翁駕雀亦不
返美人窈窕天一涯漢陽雲樹煙波晚蒼々雲樹渺
無極凭高一望長太息當時才子尚飄零而我何須
淚沾臆君是如今李謫仙謫來又復經幾年雖然人
生五馬貴那能同病不相憐相憐意正好相逢苦不
早年去復來英雄等閑老君不見禰正平二慘漁
陽槌鼓声大兒文舉次德祖身後浪傳鸚鵡名一為
余友龍伯貞醉歌云黃雀栖老三株樹何時飛向人
間住鸚鵡鸚鵡隴雲深長鳴底事楚江濤鸚鵡有洲
宥有樓乾坤曾得幾人遊崔生秀句不足數太白襟

期古稀有孔融薦禰々辱曹黃祖不殺禰不高狂予
爛醉江之滸嬰武為孟黃雀舞相者不禁一高歌星
斗錯落搖銀河世人誰黃復誰白洗耳滄浪弄明月
二篇皆有感慨議論可與斯樓同長遠矣

陸蘇門李明產吳富禁近居山中詩律益細其依韻答
友人見懷云賦就新詩孰與傳片心隨雁入寒烟風

塵旅况三千里天地交情二十年望去青山生暮色
飛來白雪滿春筵何時酌爾沅門酒咲挽江花上釣
船又湖曲霜林霽景開仰天長咲獨登臺草枯牧豎
駝牛去酒熟隣翁擊楫來山麓聊同蔣詡逕文園更
憶長卿才不知近得詩多少極目江城日幾迴寄鮑
衛使云灯火風流太乙祠別來紅樹變霜姿虎符龍
節君年少雁浦猿林我鬢絲阮籍咲歌非傲世班超
勛業正當時柴門過雨溪光淨花滿城隅不盡思此
數詩可與國雅中山人爭衡乃竟流落不偶惜哉
道聽錄卷之四終

道聽錄卷之五

楚桃源沅南李春熙輯 男謙重梓

陳雲窩名仁政上虞人所著避暑錄內載數詩皆可傲

集身心聊識于此張羅峯久困禮闈將謁選上虞蕭

靜菴素以台輔相期力沮止之庚辰復入試題詩席

舍云月色團團照舉場河光片片落天章風雲交會

人初散星斗芒寒夜未央敢向人心論用舍直于吾

道卜行藏至公堂上熱香在吾力猶能繫紀綱是年

遂登第此詩今刻至公堂左壁張之志量蘭之鑒識

可多見哉

李西涯失意詩寄彭民望

云斫地哀歌興未闌

來長缺尚須彈秋風布褐衣猶短夜雨江湖夢亦寒
木葉下時驚歲晚人情閱盡見交難長安旅食淹留
地慚愧先生首霜盤噫西涯十七歲登第為太平宰
相而猶為此言况他人乎

淮一奉初試禮闈一友人欲匿母喪終試羅不可因挽

其人與同回是科因無三場卷未中後廉知其事義
聲震動京師下年遂以狀元及第論奏座主李賢落
職張東海送詩云烈下轟下好丈夫曾于金殿聽傳
臚百年事業丹心苦萬世綱常赤手扶郭隗臺前折

枯柳考亭祠下掃寒蕪時人欲識襟期否天上浮雲

自有無噫一峯不愧科名東海可謂能不避時忌矣其

楊椒山名繼盛嘉靖中為兵部主事極詆嚴相父子遂

大辟臨刑詩曰浩氣冲太虛丹心照千古平生未

了事當與後人補慷慨就戮天下寃之鄉人云公父

母不協者十年父一日自遠宿二即神廟夢其神呼

云爺速回娘候汝久及回一合而娠遂生椒山其狀

如神肖故小字二郎此事與陽明先生乃翁過五程

頗同噫聖賢豪杰之生豈偶然哉

頁尚書原古湘潭人送一弟歸省云颯下金風八月闌汝

今歸去寸心安菜根有味莫厭淡茆屋無書可借香
日具甘旨宜奉母秋收租稅早完官明年此際還來
望莫遺寥々雁影寒太史羅念菴送弟遊南雍云頻
收家問為兄慰初試鄉心覺汝堆資遣聊同從外傳
縱觀心得到長安半年曾讀西銘未一鉢誰將國士
看留得父書相待久幾多勛業在儒冠現此詩可以
二公之養矣

趙清獻人止知其清德而不知其詩律亦可愛題杭州郡
清風閣云庭有松蘿砌有苔退公聊此遠塵埃潮音隱
隱海門至泉勢潄潄石縫來夜榻衾裯仙夢覺曉
寤灯火伏書開休官不久輕舟去喜過嚴陵舊釣臺
退居于衢詩云軒外長溪々外山捲簾空曠水雲間
高齋有問如何答清夜安眠白晝閑

宣德丁未進士以誣罪除名謫塞外論交詩云交遊
誰似古人情春夢秋雲未可憑溝壑不援徒汎愛寒暄
有問但虛名陳雷義重踰膠漆管鮑貧交托死生此道
今人弃如土歲寒惟有竹松盟聶夔江豹下獄羅念菴
詩云野郭蕭條歲又除淹留憐爾鬢毛疎緹繫尚幼
身難代鮑叔相知力不如時酒但期強健在沾衣時
抱別離初飛霜貫日十年事落葉庭前屢廢書

桑悅字民懌太倉人負才而妄誕不經殆甚于祿正平
杜審言者蓋二子所輕侮猶當時儕輩桑則侮聖賢
矣如云夫子去而我來也又叙道叙云夫子傳之孟
軻孟軻傳之我丘文莊見之亦不較反極重之真宰
相之量也其所為又遠不逮詩贈蕭時清云十里螺
湖如掌平開門正挹滄浪清偶逢道士贈丹訣閒課
小童鈔酒經晝長燕子飛入戶春盡樹陰鋪滿庭近
來聞說有奇事買藥修琴曾到城此詩清雅脫塵至
作校官門對云文章高似翰林院法度嚴如按察使
此則近于無忌憚矣

平溪高一山松戎儒將也初守備襄陽時部下屠人李
某妻有殊色鄰一舉人蘓某挑之李知故令妻給至
暮來比暮蘓果來叩門妻問何為蘓云乞少鹽妻令
一手入牖取鹽既入堅持之不得出李自內從地坊
下以挺杖擊之蘓疾呼乃釋次日以他故翹于高下
責其人且為之對云蘇奉人之乞鹽自備執其手李屠
戶吃醋以杖叩其脛高去已久聞者猶捧腹不已
味一長主寄題陳知夫竹西齋詩云我聞陳季子別業
在西疇修竹當門長清谿迤屋流鳥啼三逕晚雲斂
萬山秋何日携樽酒桃花開釣舟公嗜學不倦故詞

翰清絕得者輒相寶重云

浙湯溪學諭胡廷順忘其科里年少有文李源整為分
守時愛重之得其少年行贈人云少年撫長劍自負
萬人敵走馬入長楊挽弓二百石欲擒五單于再上
平胡策年來三十功未成布衣恥作江南客隆中聊
歌梁父吟夜半誰召賈生席山城木脫秋有聲激渚
天清水長碧送君此去登龍門錦衣早執明光戟臨
行握手何贈之數顆明珠雙白璧紛々眼底皆越人
慎勿輕投與暗擲餘詩皆稱是可愛云



道聽錄跋

余讀沅南子唐龔博而密精而覈沅南
必爾春投簪返桃花洞示予道聽錄
且厲之跋予取閱歎四瑕瑜錯投雅俗
叅置傳訛襲舛殊不類其風尚竊評焉
以讓沅南子沅南子曰予惟道聽之而
道錄之耳必人人而詢之事々而窮之
余顛毛種々矣抑懼名實之罔孚也故

錄道聽焉必若予云將文選于漢詩採
于唐辨淑慝于史氏搜遺逸于稗官顧
不博且密精且覈也而奚道聽錄哉予
錄即雜沓其大者以勸以懲細亦不失
資謔浪醜困悶往予苦升庵丹鉛譚苑
列大奇崛翻巢倒窠鉤僻索隱使人
讀未卒業欠伸思睡矣非嗜古君子固
味也予謂予茲錄寧然哉余領之適是

年會江陵張九山先生

代祀衡岳過予而譚沅南且譚道聽錄
以私評賀之先生曰予遊京師富人
園奇葩絕卉非不燦然奪目也數往來
其間不欲觀之矣一日山行聞異香焉
采其華不甚媚于名品也乃予則希邁
之矣時復賞心把玩不厭茲道聽錄所
為刻也予識其說明年夏報沅南予沅

南子曰有是哉。祁九山愛予而忘其醜也。予往煩子跋。請遂錄之。跋澧州龔天申跋年月在跋中。

道聽錄跋

聖嘗塗說罔訾道聽誦史不遺一字者。亦畏忘之。儼懼塗說也。誦而思。賢說且裨。矧曰信史。沅南博綜往籍。究志理。奧匪玩物者。髫年翱翔南北。與縉紳學士遊。多所聽聞。晚坐屈瓠亭。輒懸憶而漫錄之。瑣事摭言。併獵兼漁。每風屏雨。



榻時一紬繹其地其人舊所從聽者宛
在目中然則茲錄也其公之不遺故舊
者矧往迹危談可愕可喜又足以昭勸
鑒發深省使公聽之道而觀者遂說之
其不失之愈遠哉蘭澧劉崇文謹跋

道聽錄跋

其哉學之為患其茲滿與隘之故哉唯
其則自足而罔虛唯隘則自用而罔博
若之何能遠于得也予鄉李君深慮于
茲斯道聽錄之所由作矣君楚鼎聞人
也髫年即善屬文咸以唐王子安奇之
比非則首薦鄉科又有以擬諸賈大中
者顧南宮戰藝而抱屈劉賁幾四十年

緣是博綜千古，徧覽羣書，蓋如班固揚
雄，莫或右之。而所構思展藻，則又有唐
顰屈瓠，亭稿種々，奇崛猶青萍結綠，耀
目驚心，使其侈然自滿，即宗工鉅匠，宜
有難于入錄者。矧其他乎？然君自志弘
二三四，方者無論經世名言，凡旅次一
絕之佳童孺一聯之偉用，勿詳識辟之
時盤示兒鳳毛龍甲，十王隋珠，唯其欲

焉爾矣。然則君之取善，寔心其虛且博
矣哉！彼謏劣者，道聽而塗說，將奚益于
一。向奇子曰：入乎耳，出乎口，口耳之間
則四寸耳，烏足以美七尺？唯錄則識之
心矣。又焉用于說乎？錄成將梓而傳之，
乃屬伊跋其後，顧伊言胡足以為重？謹
佔俚語聊旌作者之意。若夫言之無文，
固有不暇計者。

隆慶壬申孟夏楚龍陽王伊書于萬川庠舍



